


Tertib Surah	Nama Surah	Bilangan Ayat	Bilangan Ruku'	Makkiyyah / Madaniyyah	Tertib Turun	Bilangan Paragraf
Ke-77	Al-Mursalaat	50	2	Makkiyyah	Ke-33	5



Zaman Diturunkan

Surah al-Mursalaat adalah antara surah yang diturunkan di peringkat awal kehidupan Rasulullah s.a.w. di Mekah antara tahun 1 hingga 3 Kenabian. Ketika itu da'wah hanya dijalankan secara sulit dan senyap-senyap. Menurut satu riwayat daripada 'Abdullah bin Mas'ud, beliau mengatakan ia turun di dalam satu gua di Mina. Shahih Bukhari.

Kelebihan Surah Al-Mursalaat

Rasulullah s.a.w. bersabda: {عَمَّ يَتَسَاءَلُونَ} و {إِذَا الشَّمْسُ كُوِّرَتْ} Maksudnya: "Surah Hud, al-Waqi'ah, al-Mursalaat, عَمَّ يَتَسَاءَلُونَ (Surah an-Naba') dan إِذَا الشَّمْسُ كُوِّرَتْ (Surah at-Takwir) telah membuatkan aku beruban (menjadi tua)" – Jami' At-Tirmizi, Kitab Tafsir, Bab Surah al-Waqi'ah, Hadits ٣٢٩٧. Ia adalah satu hadits sahih.

Perkaitan Surah Al-Mursalaat Dengan Surah Sebelum Dan Selepasnya

1. Di dalam Surah ad-Dahr, keadaan pemimpin-pemimpin Quraisy yang berdosa dan tidak bersyukur, materialistik dan tidak percaya kepada hari akhirat dikemukakan melalui firman Allah (Ayat: 27).

إِنَّ هَؤُلَاءِ يُجِبُونَ الْعَاجِلَةَ وَيَذَرُونَ وَرَاءَهُمْ يَوْمًا قَلِيلًا ﴿٢٧﴾

Di dalam Surah al-Mursalaat ini pula dengan gaya bahasa sindiran perkara yang sama diulangi iaitu pemimpin-pemimpin yang tidak percayakan hari akhirat itu ialah penjenayah dan orang-orang yang bersalah (Ayat: 46).

كُلُّوْا وَتَمَتُّعُوْا قَلِيْلًا ۚ اِنَّكُمْ تُجْرِمُوْنَ ﴿٥٠﴾

2. Di dalam Surah al-Mursalaat orang-orang مؤمنين, محسنين dan متقين dibandingkan dengan orang-orang مكذِبين dan مجرمين, sementara di dalam Surah an-Naba' selepas ini pula dibuat perbandingan di antara orang-orang متقين dan طاغين iaitu orang-orang yang derhaka dan tidak percaya kepada hari akhirat.

Beberapa Kata Kunci Dan Tema Utama Surah

Di dalam surah ini ada satu ayat yang diulangi sebanyak 10 kali, وَيَلَّ يَوْمَئِذٍ لِلْمُكَذِّبِينَ. Ia adalah salah satu ayat tarji'. Orang-orang yang tidak percaya kepada hari akhirat diseru supaya membenarkannya, pendustaan terhadapnya akan membawa kepada kebinasaan dan kemusnahan mereka, selain menambah kerosakan dan kerugian kepada mereka, itulah sebab ayat ini diulangi beberapa kali. Surah ini diakhiri dengan satu soalan فَبِأَيِّ حَدِيثٍ بَعْدَهُ يُؤْمِنُونَ (Kalau mereka tidak juga mahu beriman kepada keterangan-keterangan yang tersebut) maka kepada perkataan yang mana lagi, sesudah itu, mereka mahu beriman? (Ayat: 50). Setelah mengemukakan dalil-dalil أَنَفْسِي, تَارِيخِي, وَأَفَاقِي, untuk menyempurnakan hujjah terhadap pemimpin-pemimpin Quraisy, mereka ditanya bahawa selain al-Qur'an yang penuh dengan mu'jizat ini jika mereka tidak percaya, maka kitab mana lagi yang dapat mereka percayai?